



PREPORUKE I UPOZORENJE PRAVNIM I FIZIČKIM LICIMA ZA PREDUZIMANJE PREVENTIVNIH MJERA ZAŠTITE I SPAŠAVANJA

Shodno relevantnim podacima sa kojim raspolaže ova Uprava, danas, sutra, kao i u narednih nekoliko dana, postoji velika vjerovatnoća pojave iznenadnog jakog nevremena, manifestovanog kroz pojavu: obilnih kišnih padavinama, grmljavine, grada i jakih udara vjetrova na području Kantona Sarajevo, koje može prouzrokovati poplave, klizanje tla i odrone, pa ovim putem preporučujemo svim pravnim i fizičkim licima da preventivno radi zaštite zdravlja i života ljudi, te materijalnih i kulturnih dobara **ODMAH** preduzmu preventivne mjere koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), a posebno mjere koje se odnose na:

- obavezu pravnih lica da u skladu sa svojim planskim dokumentima iz oblasti zaštite i spašavanja blagovremeno pripreme svoje organizovane snage civilne zaštite (štabove, jedinice i povjerenike civilne zaštite), kao i da te snage opreme sa potrebnom opremom i sredstvima za efikasno i brzo reagovanje na najavljene prirodne i druge nesreće;
- obavezu fizičkih lica za provođenje lične i uzajamne zaštite građana, kao najmasovnijeg oblika pripremanja i organizovanog učešća građana u zaštiti i spašavanju ljudi i materijalnih dobara od prirodnih i drugih nesreća.

Posebno apelujemo na službe civilne zaštite opština sa područja Kantona Sarajevo, da ODMAH stave svoje organizovane snage zaštite i spašavanja u stanje pripravnosti, kako bi iste bile SPREMNE KAO SNAGE PRVOG ODGOVORA, da u skladu sa svojim nadležnostima i obavezama po planovima zaštite i spašavanja reaguju na potencijalno moguće jako nevrijeme na području svojih opština.

Napominjemo, da je Kantonalna uprava civilne zaštite Kantona Sarajevo, u skladu sa zakonskim i podzakonskim obavezama već preduzela mjere i aktivnosti, da reaguje sa svojim stručnim i tehničkim kapacitetima zaštite i spašavanja u situacijama kada procjeni da službe civilne zaštite opština, kao i komunalne službe te druga pravna lica nisu u mogućnosti u okviru izvršavanja poslova iz svoje redovne djelatnosti adekvatno odgovoriti na prirodne i druge nesreće.

DIREKTOR
Samir Džihić

E-mail: kucz@kucz.ks.gov.ba; www.kucz.ks.gov.ba
tel: +387 33 201 595; +387 33 443 720; fax: +387 33 560 453
71000 Sarajevo, Hamida Dizdara 1

